

**D**iz buch sagt von guter spise  
das machet die vuvrhtige köche wise

**I**ch wil vnderwisen.  
von den kochespisen.  
der sin niht versten kan.  
der sol dz buch sehen an.  
wie er groß gerichte machen. künne

von vil kleinen sachen.  
dise lere merke er vil eben.  
die in dz buch wil geben.  
wanne ez kan wol berichten.  
von mangelreie gerichten.  
von grozzen. vñ von kleinen.  
wie sie sich vemen.

vñ wie sie sich besachen. (mache.  
das sie klein gerichte zu hoh spise.  
der sol dz buch vnehmen.

vñ sol sich niht en schemen.  
ob er frager des er niht en kan.  
des bescheit in schier ein wiser mā. .iiij.  
wer denne kochen wolte lerne.  
der sol dz buch merken gerne.

konka  
lure.

**V** einer schuzzen ze mache.  
man sol nemen ein phunt  
mandels. vñ sol mit wine die mi-  
lich vñ stozzen. vñ kirschen ein ph-  
unt. vñ slache die durch ein sip.  
vñ tu die kirschen in die milich.  
vñ nim eine vierdung riles de  
sol man stozzen zu mele. vñ tu  
das in die milich. vñ nim denne  
ein rein smaltz. oder spec. vñ de

smetze das in einer phannen. vñ  
tu dar zu ein halbe mark wizes  
zuckers. vñ vsaltz niht. vñ gibz  
hin **von einer huz lebern.**

**E**in huzes lebern sol man bra-  
ten vf enne roste die man lange  
behalten wil. vñ sol die dünne  
sinden zu schiben. vñ nim eine  
reinen honicsaum den süde. vñ  
nim denne yugeber. vñ galgā  
vñ negelin. die stozze vnder ein  
ander. vñ werfe sie dar in. vñ  
nim denne ein faz. oder ein schaf  
dor in du ez wilt tun. vñ waschez  
gar rein. vñ gib es dor in ein schicht  
honiges. vñ lege denne ein schicht  
lebern. vñ also fürbaz. vñ legez  
valte vf ein ander. vñ setze das  
hin **wilt du machen eine blamensü.**

**W**ie man sol machen eine bla-  
mensü. man sol nemen zigenin  
milich. vñ mache mandels ein  
halb phunt. einen vierdunt ry-  
ses sol man stozzen zu mele. vñ  
tu das in die milich kalt. vñ nim  
eines hines brust die sol man  
zeissen. vñ sol die hacken dor in.  
vñ ein rein smaltz sol man dor in  
tun. vñ sol ez dor inne sieden. vñ  
gibs im genuc. vñ nime ez denne  
wider. vñ nim gestozen violn. vñ  
würfe den dor in. vñ eine vierdunc zuckers.